



MĀUI-TINEI-AHI

**Ngā ngohe
aromatawai
hōtaka**

Whakataki

He mea hoahoa ngā ngohe nei hei āpitihanga ki te hōtaka o Māui-tinei-ahi.

Mā te kaiako: I hoahoatia ēnei ngohe ki te aromatawai i ngā whāinga ako haumaruru ahi.

Ahakoa e hono ana te hōtaka o Get Firewise ki te Marautanga o Aotearoa me Te Aho Matua i roto i te Aratohu Kaiako, kāore mātou i te whakarato aromatawai mō tēnei.

Te pūrongo i ngā hua aromatawai

E hiahia ana a Whakaratonga Iwi ki te whakaatu i te āhua o te panoni o ngā whanonga o ngā ākonga me ngā whānau nā te whai wāhi mai ki ngā hōtaka o Māui-tinei-ahi, ina koa e pā ana ki ngā whāinga ako haumaruru ahi e toru.

E whai ana mātou i tēnei mahi mā te kapo i ngā raraunga aromatawai kohura, whakakapi hoki o ia o ngā whāinga ako e rārangiāia ana i raro - kei konei e noho ana ngā ngohe mō ia whāinga. Ka taea e koe te whakamahi i tētahi, ētahi rānei o ngā ngohe ki te aromatawai i tō akomanga ki ia whāinga ako. Ka taea e koe te whakamahi i tētahi, ētahi rānei o ngā ngohe rerekē mō ngā aromatawai kohura me te whakakapi.

Ko ngā whāinga ako e arotaketia ana e mātou i roto i ēnei ngohe:

1.

He taonga te ahi.

2.

He taonga te taiao.

3.

He taonga te tangata.

Me pēhea te kapo ake i ngā hua aromatawai

E mārama ana mātou ko te aromatawai takitahi mā ia ākonga, he roa rawa. Mō ia ngohe, ka tono mātou kia tuhia e koe te tokomaha o ngā ākonga i tō akomanga i whakaatu i te māramatanga tika ki tētahi putanga matua.

E mārama ana he ngāwari ake te tatau ake i ētahi ngohe pēnei i ngā raupapatanga, tēnā i ētahi atu, pēnei i ngā wānanga akomanga. E inoi ana mātou kia whakamahia e koe to whakawā ngaio hai whakatau he aha te ōroutanga o ngā ākonga kua mārama ki te putanga matua.

Tēnā whakamahia ēnei wāhanga ki te tuhi i ngā ōrau o ngā ākonga:

Te Kore

(0 – 30%)

Te Pō

(30 – 60%)

Te Whei Āo

(60 – 100%)

Te Āo Mārama

(100%)

He puka tuhi kōrero kei tēnei kōpaki.



Ngā āheinga aromatawai arataki

He nui ngā wāhi e taea ai te whakauru atu i te aromatawai arataki i roto i te hōtaka, tae atu ki ngā kōrerorero, ngā ngohe, ngā huritao me ngā wā whakaharatau. Kāore mātou i kōrero mō ngā āheinga o ia putanga, ia wāhanga rānei.

Ahakoia e mōhio ana mātou ka āwhina ēnei āheinga ki te hanga pikitia o ngā mōhiotanga me te māramatanga o ō ākonga, e mōhio hoki ana mātou he roa te wā ki te mahi i ēnei, otirā he uaua ki te pūrongo ake, nō reira kāore i whakahaua hei wāhanga o tā mātou tauira.

Ngā kōwhiringa wā aromatawai

E marohi ana mātou i ngā kōwhiringa e rua mō te wā aromatawai. Ka waiho ki a koe te tikanga ko tēhea te mea pai mō tō akomanga.

Kōwhiringa 1:

Whakaotihia ngā ngohe kohura, whakakapi hoki i te tīmatanga me te mutunga o te

hōtaka e kapi ai ngā whāinga ako katoa i te wā kotahi.

Ka tuku tēnei i te paepito tuatahi o te mōhiotanga o ngā ākonga, kāore i whakaaweawetia e ngā akoranga i muri iho. Engari ka roa ake te wā aromatawai i te tīmatanga, ā, ka nui ake te hiranga o ngā akoranga wā tuatahi, whakamutunga hoki.

Kōwhiringa 2:

Whakaotihia ngā ngohe kohura, whakakapi hoki i te tīmatanga me te mutunga o ia wāhanga hāngai i te Aratohu Kaiako o Māui-tinei-ahi e kapi motuhake ai ngā whāinga ako.

He poto ake te wā ki te aromatawai i te tīmatanga o te akoranga, ā, ka nui ake ngā āheinga ki te rongo mai i ngā ākonga. Engari me nui ake te wā ki ngā aromatawai whānui, ā, kua tīmata pea te neke o ngā mōhiotanga ākonga i tētahi whāinga ako kāore i āta whakaakohia, no reira ka tītaha pea te wāhi tīmata.



Whakaahuatia a konei hei kapo ā-tuihono i ō mahi aromatawai

